

1 Tesalonaika

Ämawebe **bänepi api äyän**urani täñkehärom **takta manbiñ**am

1* Eruk notnaye, Silas kenta Timotitä täñkentän namiñirän näk Poltä man ño kudän täyat. Kudän täñpäñ äbot täñpani Tesalonaika kome itkañ, Anutu Nan ba Ekäni Jesu Kristo-kät kowat kwasikorän tak täkañ, inta pewa äretak. Anutu täño orakoraki ba bänep pidämtä intä terak äroton.

Tesalonaika äbot täñpani täño nadäkiniki

2* Nin kadäni kadäni yänapik epän täñkañ inta nadäñ tamiñpäñ Anutu bänep täga man iwet takamäj. 3* Nadäkinikjin täño bureni kañ-ahäk täkañ ba täñkentäk epän bänep ironjintä pewän ahäk täkañ ba nadäkinikjin Ekäni Jesu Kristo terakgän penpäñ bänepjin täñkehärom tañpen kuñat täkañ unita nin Anutu Nanin inamiken kadäni kadäni nadäñ tamiñpäñ yänahäñpäñ iwet takamäj.

4 Notnaye, nin inta bureni-inik ñode nadäkamäj; Anututä nadäñ tamikinik täñpäñ inita biñam iwoyänjuk. 5* Ude nadäk takamäj uwä mebäri ñodeta; Mani biñam Täga täweritna man u jopi nämo täñjuk. Nämo, nin mani biñam unita nadäna bureni-inik täñpäpäñ Kudupi Munapik täño kehäromi terak täwetkumäj. Inkät itkumäjken uken inta yänpäñ imaka u ba u yänpäñ tak

* **1:1:** Apos 17:1-10; 2Te 1:1 * **1:2:** Plp 1:3-4; Kol 1:3; 2Te 1:11

* **1:3:** 1Ko 13:13; Kol 1:4-6 * **1:5:** 1Ko 2:4-5; 1Ko 4:20

täjnkumäño u nadäkañ. ⁶* Täñitna nintäño kädet kuroñ ugän iwarän täñkuñ. Iwarän täñpäñ Ekäni imaka, udegän iwarän täñkuñ. Täñpakañ Ekäni täño Manbiñam Täga uwä komi ba bäräpi u punin terak Kudupi Munapiktä bänep pidäm täñ tamiñirän man u bänepjinta biñam täñkuk.

⁷* In ude täñkuño uwä nadäkinik täñpani Masedonia ba Akaia komeken nanikta intäjukun täñ yämiñpäñ kädet täga yäwoñärenkuñ. ⁸* Täñpakañ inken, Ekäni täño mantä tokneñ moreñpäñ Masedonia ba Akaia komeken kuñ moreñkuk. Täñkañ, ugän nämo. In Anutu nadäñ imikinik täñkuño unitäño manbiñam uwä komeni komeni nadäñ moreñkuño unita nintä yäwetnañi kubä nämo täñkuk. ⁹* Ini-tägän, nintä inken epän täñitna not täñ nimiñkuño unitäño manbiñam niwet täkañ. Ba intäño manbiñam komeni komeni yäñpäñ-nadäk ñode täñ yäpmäñ kukañ; In anutu jopi nadäñ yämik täñkuño u mäde ut yämiñpäñ Anutu irit kehäromi mähemi bureni unitäño watä epän ämaniye ude itkañ. ¹⁰* Ba apiño in anutu jopi nadäñ yämik-yämik kädet u mäde ut imiñpäñ nanaki Jesu kunum gänañ nanikta äpäkta itsämäñpäñ itkañ. Nanaki u kumbani-ken nanikpäñ yäwän kikñurani unitä täñkentäñ nimiñirän Anutu täño kokwawak kadäni pähap ahäwayäñ täyak uwä api irepmitne.

2

Poltä Tesalonaika kome epän täñkuk

* **1:6:** 1Ko 4:16; 2Te 3:9; Apos 17:5-9 * **1:7:** 1Pi 5:3 * **1:8:**
 Rom 1:8 * **1:9:** Apos 14:15 * **1:10:** Tai 2:13; Apos 17:31; 1Te 5:9

¹* Notnaye, ninä inken ahänpäj epän nämo täna waŋkuŋ. Nämo inik, epän täŋitna bureni ahäŋkuk. U injin nadäkaŋ. ²* Ba pengän Pilipai kome nidäpmänpäj niwat kireŋkuŋo u imaka, nadäkaŋ. Ude täŋ nimiŋkuŋopäj nämo kwitaŋkumäj. Nämo inik. Äma ätutä iwan pähap täŋ nimiŋirä Anutu yäpmäj wädänpäj bätakigän nadäŋkaŋ inken äreŋpäj Anutu täŋo Manbiŋam Täga u täwetkumäj. ³ Täŋpäkaŋ manbiŋam täwetkumäŋo uwä bänepjin täŋpidäm takta täwetkumäj. U jop manman ba yäŋ-täŋŋarani man nämo täwetkumäj. Ba in täŋpäwakta man nämo täwetkumäj. ⁴* Nämo, Anututä nibäwän tägawäpäj manı biŋam yäŋahäneŋta epän ŋo ketnin terak peŋkuk. Epän u täk täkamäj uwä ämatä ninta nadäwä ärowani täkta nämo täk täkamäj. Nämo inik, Anutu bänepnin yäpmäj danik täyak unitä nibäwän gäripi täŋpeŋta täk täkamäj.

⁵* Täŋpäkaŋ in nintäŋo mebäri nadäk täkaŋ, ba Anututä udegän nintäŋo mebäri nadätak. In nintäŋo manta gäripi nadäwut yäŋpäj bänep ärik-ärik man nämo täwetkumäj ba intäŋo moneŋ tuŋumta yabäŋgärip täŋpäj Anutu täŋo man terak yäŋ-täŋŋatpäj yäpmäkta nämo täŋkumäj. ⁶* Ba in bämopjin-ken ba kome kukŋi käda wäpnin biŋam ikek kuŋatta nämo täŋkumäj. Nämo, nin Kristo täŋo aposoro bureni-inik itkamäj unita täŋkentäŋ nimut yäŋ täga peŋ täwetnaŋipäj nämo peŋ täwetkumäj. ⁷ Täŋpäkaŋ webe kubätä nanakiye

* **2:1:** 1Te 1:5,9 * **2:2:** Apos 16:19-24; Apos 17:1-9 * **2:4:** 1Ti 1:11; Gal 1:10; Jer 11:20 * **2:5:** Apos 20:33; 2Pi 2:3; Rom 1:9; 1Te 2:10 * **2:6:** Jon 5:41,44

watäni säkgämän itkaŋ nonoŋ yepmäŋ towik täyak ude bumik in bämopjin-ken kwini terak it täŋkumäŋonik. ⁸ Gäripnin taŋi inken peŋkumäŋo unita Anutu täŋo Manbiŋam Täga täwettaŋän nämo. Inta yäŋpäŋ gupnin iniŋ kirekta bok pidäm taŋkumäŋ. Imata, bänepnintä inta gäripi pähap nadäŋkumäŋo unita. ⁹ * Notnaye, nintä bämopjin-ken itkaŋ epän taŋi täŋkumäŋo u nadäkaŋ. Bäräpi tamine yäŋpäŋ kepma bipani gupnin mehamtäkta epän bok kädäp ikek täk täŋkumäŋonik. Ude täŋkaŋ Anutu täŋo Manbiŋam Täga uwä täwetkumäŋ.

¹⁰ Inken mominin nämo, kudupi-inik, bänep siwoŋi terak kuŋatpäŋ epän täŋ tamiŋkumäŋo u in nadäkaŋ. Uwä in ba Anutu imaka, penta nadäkaŋ. ¹¹ Täŋpäkaŋ kubä pen ŋode nadäkaŋ; Äma kubätä äperiye nanakiyeta täŋ yämik täyak, in kubäkubäta udegän täŋ tamiŋkumäŋ. ¹² Intä irit kuŋat-kuŋat Anututä nadäwän siwoŋi täk täyak udegän täŋpeŋ kuŋarut yäŋ nadäŋpäŋ bänep täŋ-kehäromtak man täwerit, bänep täŋpidäm tak man täwet täŋkumäŋ. Ba Anututä tabäŋirän täga täŋpekta in kädet täga terak kuŋarut yäŋpäŋ kadäni ätu man kehäromi täwetkumäŋ. Imata, Anutu unitä kaŋiwat yewani gänaŋ, iniken wäpi biŋam ikek itta yäŋpäbä tepmak täyak unita.

Anutu täŋo manta jibi yäpuŋ

¹³ * Täŋpäkaŋ nin Anutu täŋo man täweritna nadäwä komen äma täŋo man kubä bumik nämo täŋkuŋ. Nämoinik! Anutu täŋo man bureni-inik ude nadäŋkuŋo unitä Anutu täŋo äbot täŋpani

* **2:9:** Apos 20:34; 1Ko 4:12

* **2:13:** 1Te 1:2; 2Te 2:13; Gal

1:11-12

inken epän täjirän irit kuñat-kuñatjinken bureni ahäk täkañ. Unita nin inta yänpäñ Anutu bänep täga man kadäni kadäni iwet takamäj. ¹⁴ * Notnaye, inä Judia komeken nanik Anutu täño äbot täjpani Kristo Jesu-kät kowat kwasikorän täjpeñ kuñat täkañ, apiño udegän täkañ. Judia äbot täjpani uwä Juda naniktä dämpänpäñ komi yämik täjkuño udegän in notjiye ätutä tadämpänpäñ komi tamik täkañ. ¹⁵ * Kädet u kudupi nämo. Juda naniktä profet biani biani ätu dämpäj yämpäj äbätängän Ekäni Jesu udegän utpewä kumbuk. Täjpäkañ nin udegän nidämpänpäñ komi nimiñkuñ. Ude täjkuño u Anututa not nämo täj imik täkañ ba ämawebe kuduptagänta iwan täj yämik täkañ. ¹⁶ * Ba ugän nämo. Guñ äbotken Anutu täño man yäweritna nadänpäñ Anututa biñam täneñ yänkañ бага penkirek täkañ. Täjpäkañ äma uwä kädet wakiwaki ude täj yämpäj äbäntäko mominitä ärowani pähap täjirän eruk, Anutu täño kokwawak ahäj yämitak.

Tesalonaika ämawebe äneñi yabäktä nadäñkuk

¹⁷ * Notnaye, kadäni keräpigän in tepmañkumäño upänkañ tepmak-inik nämo täjkumäñ. Nämoinik. Bänepnintä inta butewaki nadäj tamiñpäñ äneñi tabäktä gäripi-inik nadäkamäj unita inken äneñi ärekta ehut itkamäj. ¹⁸ Inken ärekta gäripi nadäkamäj upäj Pol näkä kadäni kadäni inken ärekta nadäjira Satantä kädet penpipiñ namik täyak. ¹⁹⁻²⁰ * Täñ, inta gäripi pähap nadäk takamäj u

* **2:14:** Apos 17:5 * **2:15:** Apos 2:23, 7:52 * **2:16:** Mat 23:32-33 * **2:17:** 1Te 3:10 * **2:19-20:** Plp 2:15-16, 4:1; 2Te 1:4

ɲodeta; Epänin täño bureni-inik uwä in, ba nintäño oretoret ba epmägetnin uwä in, unita Ekäninin Jesu unitäño äbäkäbäk kadäni-ken inamiken inkät penta itkañ kehäromigän bänep oretoret terak täga api itne.

3

Pol Timoti iniñ kireñkuk

1-2 * * Notnaye, inta nadäwätäk tañi täñpäñ nek Atens yotpärare-ken itkañ Timoti iniñ kireñpeda inken ärekta man yäñpäñ-nadäk täñkumäñ. Timoti, notninpak bureni ba Anutu täño epän äma ude itpäñ Kristo täño Manbiñam Täga yäñahäk täyak unitä päre Anutu täño man terak bänepjin ba nadäkinikjin täñkehärom takta iwoyäñkumäk. 3 * Komi ba bäräpitä täñpewän kwainej yäñpäñ Timoti teda äreñkuk. In nadäkañ, Anutu täño man uwä kwini terak itpäñ-nadänekta nämo yäñ nimani. 4 * Nin inkät itkañ pengän man ɲode täwetkumäñ; Anututa yäñpäñ komi bäräpi in ba nintä terak api ärowek. Man yäñkumäño u bureni ahätak ɲo yäñ nadäkañ. 5 * Mebäri unitagän inta nadäwätäk pähap täñpäñ intäño nadäkinikjin kañpäñ nadäkta Timoti iniñ kireñpewa äreñkuk. Täñyäkñarani äma waki Satantä täñ-täkñat-pewän nadäkinikjin pewä putäreñjirä epänin jop pewä paorektawä yäñ nadäñkut.

Timoti manbiñam täga yäpmäñ äbuk

6 * Täñpäkañ Timotitä inken nanik äyänjut päbä

* **3:1-2:** Apos 17:15 * **3:1-2:** Apos 16:1-3 * **3:3:** Efe 3:13;
2Ti 3:12 * **3:4:** Apos 14:22 * **3:5:** Plp 2:16 * **3:6:** Apos
18:5

nadäkinikjin ba bänep ironjin unitäño manbiñam ñode niwetkuk; Intä ninta gäripi pähap nadäk täkañ. Ba nintä in tabäkta gäripi nadäk takamäj, udegän intä nin nibäkta yäk täkañ. Manbiñam ude niwetkuk. ⁷ * Täñpäkañ notnaye, in nadäkinikjin ikek itkañ yäj biñam niwerirän nadäñkumäño unitäwä nin komi butewaki terak kuñat takamäj unitäño bäräpi täñpidäm tañkuk. ⁸ Bureni, in Ekäni injit-inik täñpeñ kuñarirä nadäñpäñ nintäño iritninken gäripi pähap ahäk täyak.

⁹ Täñpäkañ inta yäñpäñ Anutu injamiken bänep täga pähap nadäk takamäj unita Anutu bänep täga inide kubä iwet takäna! ¹⁰ Täñkañ nadäñ nimiñirän inken päre kowat kawän täñpäñ nadäkinikjin ätukät täñkehärom takta kepma bipani Anutu-ken gwäk pimiñpäñ kehäromigän yäñapik takamäj.

¹¹ * Eruk notnaye, Nanin Anutu ba Ekäninin Jesutä ini kädet täwit nimiñirän inken kañ ärena. ¹² Täñpäkañ Ekänitä bänepjin-ken epän täñirän inken bänep iron kädet tañi ahäñirän injin-tägän bänep iron kowata kowata tak takot. Ba äma gägänita udegän kañ täñ yämüt, nintä inta täñ tamik takamäj udegän. ¹³ * Ude täñirä Anutu Nanintä bänepjin täñkehärom täñirän injamiken momijin nämo, bänep kudupi-inik kuñat takot. Pen udegän kuñarirä Ekäninin Jesutä ämawebe inita biñam iwoyäwani yämagut yäpmäj äneñi kañ äbän.

4

Anutu injamiken siwoñi kuñat-kuñatta man

* **3:7:** 2Te 1:4 * **3:11:** 2Te 2:16 * **3:13:** Plp 1:10; 2Te 1:7,10

¹* Notnaye, Ekäni Jesuta yänpän jukuman kubä ñode täwetnapän nadäwut; Irit kuñat-kuñatjintä Anutu not täñ imikta mebäri täwetpän täwoñärek täñkumäño udegän kañ irut. Täñkañ Anutu täño man u täga iwat täkañ upän gwäk pimiñpän ehuraniñän kañ iwarut yänpän täwetkamän. ² Ekäni Jesu täño meni terak man kehäromi täwetpän täwoñärek täñkumäño nadäkañ u.

³* Anututä ñode täwet täyak; Kubokäret penpän bänep siwoñi terak kuñat täkot. ⁴ Täñpäkañ in bänep nadäk-nadäkjinta watäni itpän webejiye-kät kädet siwoñi terak kañ kuñarut. ⁵ Kädet siwoñi terak kuñatkañ ämawebe guñ, Anututa nämo nadäwanitä yabängärip tänpän kubokäret täk täkañ ude nämo täneñ. Nämoinik! ⁶* Unita in notjiye tänyäkñatpän webeniye nämo kubotäneñ. Kädet waki udewanita bian man ñode täwetkumän; Ekänitä äma kädet ude täk täkañ uwä kowata waki api yämek. ⁷* Bureni! Nadäk-nadäk waki yäpmän kuñatneta nämo, kudupi-inik itpän nadäk-nadäk siwoñigän yäpmän kuñatneta Anututä nimagutkuk. ⁸* Unita äma kubätä man u mäde ut imayän täko uwä äma kubäta nämo, Anutu, Kudupi Munapik bänepjinken pek täyak u mäde api ut imek.

⁹* Eruk äbot tänpäni ämawebenaye, Anututä ini bänep iron täktäk kädet mebäri täwetpän täwoñäreñirän bureni iwat täkañ upän imata bänep iron kowat tänpän täneñta äneñi jop kudän

* **4:1:** 2Te 3:6 * **4:3:** 1Te 5:23; Hib 10:10; 1Pi 1:16 * **4:6:** Sam 94:1 * **4:7:** 2Te 2:13-14; 1Pi 1:15-16 * **4:8:** Luk 10:16; Ese 36:27; Ese 37:14; 2Ko 1:22 * **4:9:** Jon 13:34

täj tamine? ¹⁰* Nämö, inä Masedonia kome äbot täjpani ämawebe komeni komeni it yäpmäj kukaņ u bänep iron täj yämik täkaņ. Upäņkaņ pen kaņ täjput yäjpäņ täwetkamäj. ¹¹* Täjpäkaņ man kubä pen ȳode täwetpäņ täwojäreņkumäj; Kuņ äbäņ täjkaņ täjuruk-uruk nämö täneņ. Komejin-kengän it dämiņpäņ epän ketjin-ken pewani u kehärom taņpäņ kaņ täjput. ¹²* Ude täjpäņ nakta jop kubä nämö api itneņ. Ude täjirä äma Anutu täjo kädet nämö iwat täkaņ u inta bänep täga api nadäneņ.

Jesutä äneņi äbähta man

¹³* Notnaye, in bämopjin-ken nanik ätu kumbuņo u jide itkaņ unitäņo mebäri ket nadäwä tärewut yäjpäņ man ȳo täwetat. Ket ude nadäwä tärewäkaņ guņ ämatä noriye kumäjirä nadäk-nadäki paoräpäņ konäm butewaki pähap täk täkaņ in udegän nämö täneņ. Nämoinik! ¹⁴* Nin nadäkinik ȳode täk täkamäj; Jesu kumäjkaņ akuņkuk. Ude täjkuko unita ȳode imaka nadäkinik täk täkamäj; Anututä Jesu iniņ kireņpewän ämawebe nadäņ imiņkaņ kumbuņo u ini-tägän yämaguränkaņ inikät bok api ämneņ. ¹⁵* Ba Ekänitä iniken man kubäwä ȳode täwetna; Kome terak kodak iritna Ekänitä äbayäņ täyak-ken uken kodak irani nintä kumbani nämö api yärepmiņne. Nämoinik!

¹⁶* Ekäni kunum gänaņ naniktä äpayäņ täjirän womat mämä api ahäwek. Täjpäņ aņero intäjukun

* **4:10:** 2Te 3:4 * **4:11:** Efe 4:28; 2Te 3:8,12 * **4:12:** 1Ko 5:12-13; Kol 4:5 * **4:13:** Efe 2:12 * **4:14:** Rom 14:9; 1Ko 15:3-4,12 * **4:15:** 1Ko 15:51 * **4:16:** 1Te 1:10; 2Te 1:7; 1Ko 15:52

tänpanitä gera yänjirän Ekäni ini uwä gera pähap yänkaŋ api äpek. Äpänjirän ämawebe Kristo nadän imiŋpäŋ kumbuŋo unitä jukun api akuneŋ. ¹⁷ Akuŋirä kokoki yarägän kodak itnayän takamän uwä kumbani yäput penakaŋ gubamtä pudät päro nipmanpäŋ punin terak Ekäni-kät kowat kawän api täne. Tänpäkaŋ Ekäni-kät-gän api it yäpmän ärone. ¹⁸ Unita in man ŋowä yänpäŋ-nadäk tänpäŋ notjiye kumbanita nadäwätäk penpäŋ bänepjin tänpidäm takot.

5

Ekäni äneŋi pit kubägän api ahäwek

¹⁻² * * Notnaye, injin ŋode bureni nadäk täkaŋ; Nämo nadänjirä kubo ämatä bipani äbäk täkaŋ udegän Ekäni täŋo äbäkäbäk kadäni täropigän api ahän nimek. Ude nadäk täkaŋ unita Ekäni äneŋi äbayän täyak uwä kadäni ba kepma uken api ahäwek yän imata kudän tänpäŋ tamine? ³ * Tänpäkaŋ kadäni uken ämawebetä nin säkgämän kwini terakgän itkamän yäknjat irirä Ekänitä pit kubägän ahän yämiŋpäŋ api däpmän paorek. Bäräneŋ ahän yämayän täyak uwä webe nanak koki ikektä ittängän komi bäräneŋ nadäk täkaŋ ude. Imaka umuri u bäräneŋ ahän yämiŋjirä jide tänpäŋ api metänpeŋ kuneŋ? ⁴ Upänkaŋ notnaye, inä bipmän urani gänaŋ nämo itkaŋ unita Ekäni täŋo kadäni, kubo ämatä bäräneŋ ahäk täkaŋ ude ahänjirän nämo kikuŋutneŋ. ⁵ * Nämoinik, ninä

* **5:1-2:** Mat 24:36 * **5:1-2:** Mat 24:42-44; 2Pi 3:10; Rev 3:3

* **5:3:** Ese 13:10; Mat 24:39; Luk 21:34-35; Jon 16:21-22 * **5:5:** Rom 13:12; Efe 5:9

bipmäŋ urani ba bipanita biŋam nämo, penjäŋek ba kep mata biŋam äbot täŋpani.

Bänep kodaki it tākäna

⁶ Unita äma ätu bänepi nadäk-nadäkita watä nämo itkaŋ dāpmon pat tākāŋ ude nämo täne. Nämoinik, nadäna tumbäpäŋ watäni itpäŋ kuŋat tākäna! ⁷Täŋpäkaŋ äma dāpmon pärani uwä bipmäŋ urani gānaŋ pat tākāŋ. Ba äma ume jägämi naŋkaŋ täŋguŋguŋ kudän tāk tākāŋ uwä bipani tāk tākāŋ. ⁸Upäŋkaŋ kepma täŋo äbot ninäwä bänep nadäk-nadäkninta watä kehäromi itpäŋ kuŋat tākäna. Täŋpäkaŋ nadäkiniknin ba notniyeta nadäŋ yämik-iniktä kurepä ude ukät-pipik täŋ niniŋirän äma wakitä nämo nidäpek. Ba Anututä bureni api nimagurek yäŋ bänepnin ukädagän peŋitna unitä gwäpä kehäromi ude täŋ nimik täyon. ⁹ * U mebäri ŋode unita; Nin Anutu täŋo bänep wak-waki bureni kaŋ-ahäneta nämo iwoyäŋ nipmaŋkuk. Nämoinik! Ekäninin Jesu Kristo täŋo wäpi terak irit kehäromi koreneta iwoyäŋpäŋ nipmaŋkuk. ¹⁰ * Jesutä ninta kowata kumbuko unita ukät bok täga api itne. Unita Jesu täŋo äbäkäbäk kadäni-ken nin kumnayäŋ tämäŋo u ba kodak itnayäŋ tämäŋo u tägagän, ukät penta api it yäpmäŋ ärone. ¹¹ * Eruk, inä man tägagämän u nadäŋpäŋ man kowat iwerän täŋpäŋ bänepjin pen täŋ-kehäromtak tākot, tāk tākāŋ ude.

Kädet Anututä gäripi nadäk täyak ugän iwatne

* **5:9:** 1Te 1:10; 2Te 2:14 * **5:10:** Rom 14:8-9; 1Te 4:14 * **5:11:** Jud 20

12 * Notnaye, man kehäromi ɲode täwetkamäj; Äma inta yänpäj in täñkentäktä bämopjin-ken komi epän täk täkañ ba Ekänita yänpäj intäjukun täñ tamik täkañ, ba täwetpäj täwoñärek täk täkañ u nadäj yämik täkot. 13 Täñkañ epän ude täñ tamik täkañ unita inä nadäj yämikinik täñpäj bänep oretoRET terak orañ yämik täkot.

Täñpäj notjiye-kät not täñpäj bänep kwini terak it täkot. 14 * Unita notnaye, in ɲode täk täkot; Äma gañani, epän nämo täñpanita umun man yäwet täkot. Ba äma täñ mäyäk-mäyäk ba umun terak kuñarani udewani täñkentäj yämiñpäj bänepi täñ-kehäromtak täkot. Ba äma kehäromini nämo täñ-mehamtañ yämik täkot. Täñpäj äma udewani täñkentäj yämikta nämo gaña täneñ. Nämo, pentagän täñkentäk-kentäk terak kuñat täkot. 15 * Täñkañ waki kowata kowata täneñta watä kehäromi itpäj kuñat täkot. Ude täñkañ injintägän ba äma gägäni kuduptagän täñkentäk-kentäk kowata kowata kañ täñ yäpmäj ärowut.

16 * Ude täñkañ kadäni kadäni bänep pidäm terak oretoRET täñpeñ kañ kuñarut. 17 * Täñkañ Anutu-ken yäñapik man yäkta nämo gaña täneñ. Nämo, pen yäk täkot. 18 * Ba imaka u ba u unita Anutu bänep täga man iwet täkot. Inä Kristo Jesu-kät kwasikoranitä ude kañ täñput yänpäj Anututä peñ täwetak.

19 * Täñpäkañ Munapik täño kädäp nämo döpä

* 5:12: 1Ko 16:18; 1Ti 5:17 * 5:14: 2Te 3:6,11,15 * 5:15: Snd 20:22; Rom 12:17; 1Pi 3:9 * 5:16: Plp 4:4 * 5:17: Luk 18:1 * 5:18: Efe 5:20 * 5:19: Efe 4:30

kumneŋ. ²⁰ * Täŋpäh äma kubätä Anutu täŋo mani biŋam yäŋahänpäh täwerirän nadäh äwaräkuk nämo täneŋ. ²¹ Upäŋkaŋ man nadäk täkaŋ u kuduŋtagän nadähnpäh yäpmäh danik kaŋ täŋput. Ude täŋkaŋ imaka täga täŋpänä u kaŋ yäpmäh kuŋarut. ²² Ude täŋkaŋ waki mebäri mebäri kudup mäde kaŋ urut.

²³ * Eruk notnaye, inta yäŋpäh Anutu-ken ŋode yäŋapik täkamäh; Anutu, bänep kwini mähemitä ini ärutpak taŋpäh tepmaŋirän bänep kudupi kaŋ täŋ morewut. Ude täŋirän gupjin, bänepjin ba mäjojin kudupi parirän Ekäninin Jesu Kristo äbayäh täyak u iŋamiken momijin nämo, kaŋ irut. ²⁴ Täŋpäkaŋ näk nadätat, Anutu tämagut täyak, man bureniŋän yäwani unitä imaka yäyat ŋo inken bureni api täŋpek.

²⁵ * Täŋpäkaŋ notnaye, in ninta nadähnpäh Ekäniken yäŋapik täkot. ²⁶ * Täŋkaŋ äbot täŋpani injin-tägän, Ekäni wäpi terak not täŋpäh keräntäk täk täkot. ²⁷ Unita näk Ekäni iŋamiken man kehäromi ŋode täwetat; In man kudän ŋo äbot täŋpani kuduŋtagän danihnpäh yäwerirä nadäwut.

²⁸ Täŋpäkaŋ Ekäninin Jesu Kristo täŋo orakoraktä inken itpäŋ itinik täk täyon. Ude.

* **5:20:** 1Ko 14:1,39 * **5:23:** 1Ko 1:9; 2Te 3:3 * **5:25:** Kol 4:3;
2Te 3:1 * **5:26:** Rom 16:16

Anutu Täŋo Man
The New Testament and portions of the Old Testament
in the Tuma-Irumu Language of Papua New Guinea
Nupela Testamen na sampela Olpela Testamen long
long tokples Tuma-Irumu long Niugini

copyright © 1997, 2011 Wycliffe Bible Translators, Inc.

Language: Tuma-Irumu

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

PDF generated using Haiola and XeLaTeX on 11 Nov 2022 from source files dated 9 Oct 2020

914cbf46-f59a-54d1-b209-0f763534edb5